

Datum: 22.12.2016

südostschweiz

LA QUOTIDIANA

Redazione: Via commerciale 22, 7007 Cuira, tel. 081 820 67 10, mail: redazione-lq@sudostschweiz.ch



La Quotidiana
7007 Cuira
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'105
Erscheinungsweise: 5x wöchentlich

Themen-Nr.: 276.009
Abo-Nr.: 1015977
Seite: 10
Fläche: 57'952 mm²

I dovra magari angal tgossettas

Savognin: Partenza staschung 2016/17



Igls protagonistis dalla seira: Orlando Bergamin, Christian Prinz, Tanja Amacher, Miriam Diethelm e Jörg Neumann (da san.).

PDS



La Quotidiana
7007 Cuira
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'105
Erscheinungsweise: 5x wöchentlich

Themen-Nr.: 276.009
Abo-Nr.: 1015977
Seite: 10
Fläche: 57'952 mm²

■ **(pb) Mintgamai curt avant l'antschatta uffiziala dalla staschung anveidan Savognin Turissem, Savognin Penderularas SA e l'Uniun da commers e mastirants Surses igls purtaders turistics ed igls ampluias aint igl turissem ad ena seira d'infurmaziun: la Partenza. Cotras ins vot communitgier las novaziuns e midadas per la nova staschung.** Ed en referent duess mintgamai dar motivaziun. Chest onn è chegl sto *Jörg Neumann* tgi ò do exaimpels scu tgi ins so far surstar igl giast. Magari angal cun tgossetas. Scu adegna è er meseinda dall'emda passada la sala Grava a Savognin stada bagn amplaneida dalla Partenza per la staschung d'anviern 2016/17. Anvidos èn betg angal igls purtaders turistics, mabagn er tots chels tgi lavouran sen chella branscha e vignan an ena furma u l'otra an contact cuagl giast.

Igl bavagnaint alla seira ò fatg la directoura da Savognin Turissem, *Tanja Amacher*. Ella è repassada curt la staschung da stad ed ò er preschento igls projects tgi ins ò realiso e tgenegns tgi ins è vedlonder. Da chels vainsa rapporto da curt an connex cun la radunanza da Savognin Turissem.

Pinavant ò ella er numno las novaziuns per la staschung d'anviern. Ins vegia da chintar er chest onn cun Nadal sainza neiv ed uscheia ins ò mess a strada acziuns spezialas per porscher agl giast ensatge. Pero ègl de manzunar tgi las pistas sen la costa digl Piz Martegnas, a La Nars e las loipas a Savognin ed a Rona èn bagn preparadas cun neiv artificia, uscheia tgi igl giast tgi vot eir cun skis ed eir a far cursa lunga e per part er cun stadal stò betg da renunztgier, er schi el ò betg a disposiziun la purscheida maximala. Ins vigna er chest onn a lascher cursar en shuttle da Savognin a Radons an cunvagnientscha cun igls travagls gastronomics ainten chella part digl territori da skis. Er a Flex vign igl Bus alpin a cursar, schinavant scu las veias lubeschan chegl.

Igl directer administrativ da Savognin Penderularas SA, *Christian Prinz*, ò da sia vart communitgia las novaziuns ed investiziuns fatgas durant la stad. Er chellas vainsa gio preschento igl davos taimp. Pinavant ò el fatg attent agls divers events tgi on li durant la staschung 2016/17 agl territori da skis.

Durant la staschung d'anviern dattigl betg angal sport e divertimaint sen neiv e glatsch, mabagn er cultura. Igl Festival Cultural Origen ò ossa er durant igl anviern ena retga purscheida da produziuns. Ossa cun igls concerts da Nadal a Landquart ed alloura igl antier anviern a Riom spezialmaintg ainten la clavadeira. *Miriam Diethelm* dad Origen ò preschento igl program e menziuno tgi ins derva en ulteriour tgapetel ainten la veta dalla famiglia Carisch.

Igl terz onn ò Savognin Turissem ena collaboraziun da marketing cun Grischun Vacanze. An furma da mandat. *Orlando Bergamin* da Grischun Vacanze è responsabel persiva ed ò musso las diversac acziuns da marketing tgi ins ò realiso igl davos taimp u tgi èn mesas a strada.

Exaimpels per far surstar

La gronda part dalla seira alla Partenza ò alloura tutgia agl referent *Jörg Neumann*, egn digls 27 collaboratours dad ena interpresa a Meggen LU. Ena interpresa tgi cunsegia firmas ed instituziuns da tottas sorts per l'antiera Europa anturn.

El ò musso tgi per saveir ratschever igls giasts dovrigl ena tscherta basa. Tar en li turistic d'anviern èn chegl las penderularas, igls hotels, abitaziuns, affars etc. Chella infrastrucutura ò dad aveir ozande en standard tgi igl giast spetga. Schi ins vot pero far surstar igl giast, alloura dovrigl anc ensatge daple. Ma chegl stò betg adegna esser grond luxus e tgosas enorm spectacularas. Savens tanschan angal tgossetas. «Ord vista digl purtader

ed offereider turistic è igl pi impurtant de adegna igl mintgade», ò managea *Neumann*. Ed ensatge tgi tot chels tgi vegian da far cuagl turissem davent digls directers anfignen tigs ampluias seia tiers tot stress durant igls deis tgi marscha bler: Per igl giast ins stoptga adegna aveir taimp. Er per ena pitschna infurmaziun tgi el dumonda.

Tot las prestaziuns turisticas tgi ins porscha agl giast possan esser bungas e seian standard. I seian pero angal bungas avonda schi igl giast rachinta a tgesa da chellas bunas prestaziuns. Igl cliaint vegia betg dad esser passiv cuntaint, mabagn activ. Pertge la clientella na seia betg lojala cun igls sies hospitants. E giasts racloman gugent e vegian er igl dretg losiva. Fans dantant perdungan.

I seia er da basigns da far vasibel las bunas prestaziuns. El vegia da curt do las sias tgameischas da lascher nattager. I seian rivadas anavos sobras e ve dad egna era en cedel e l'ò stava: «Nous vagn cusia ve igl battung tgi mantgeva.» El seia sto sursto. Ozande seian las interpresas ed affars sperts cura tgi geia per lascher or ena admuniziun anc betg paeda, ma i seia strousch ensatge tgi angraztga per paer punctualmaintg.

Ins possa er far surstar cun tgosas tgi costan pac ni an daner ni an taimp. El seia sto cun la sia famiglia ensanouas a tschagna, cun dus unfants. Chels vegian pusto en normal menu dad unfants, el creia ena talgia panada cun pommes. Ins vegia pero sarvia chel menu agls unfants cun la «cloche». Igl unfants seian stos surstos ed el anc pi fitg. Ed impurtant seia er da far ancunaschaint igls success tgi ins vegia e da celebrar chels.

Digl reminent i seian blers tgi savesan scu tgi fiss da far, igl sulet problem seia tgi els fetschan betg!